

Landesbibliothek Oldenburg

Digitalisierung von Drucken

Friderici Iacobi Beyschlagii, Gymnasii, quod Halæ Suevorum est, Adiuncti, & ad ædem S. Mich. Archangeli Catechetæ extraordinarii, Sylloge Variorum Opusculorum

(Programmatvm, Orationvm, Epistolarvm, Poematvm, Dissertationvm, Aliarvmqve Observationvm ...)

Fascicvlos I.II.III.IV.V. Ab Annis MDCC.XXVII.M.DCC.XXVIII.M.DCC.XXIX. Editos, Complexvs. Cvm Indice Triplici.

Beyschlag, Friedrich Jakob

Halae Suevorum, M.DCC.XXIX

IX. Continvatio Supplementorum, Illvstrationvm Et Emendationvm Tomi I. Hvivs Sylloges.

urn:nbn:de:gbv:45:1-16134

IX.

CONTINVATIO SVPPLE-
MENTORVM, ILLVSTRA-
TIONVM ET EMENDATIO-
NVM TOMI I. HVIVS
SYLLOGES.

*Quorum ea, quæ ad Fasciculum I. pertinent,
in Fasc. quarto, num. IX. p. 924--940. repe-
ries, quibus pauca hæc haud gra-
vatim superaddes.*

AD pag. 114. Quæ Summe Rev. D. Theod. Halæus in Bibl. Brem. Cl. VII. p. 931. sq. (ad hunc enim locum hic respexeram,) ante aliquot iam annos promisit Analecta de M. ANT. FLAMINIO, quæque nos aliique cupide adhuc expectavimus, ea ex parte occupata nunc sunt a Cl. Schelhornio in Amœn. Lit. T. X. p. 1148. sqq. Quare haud dubie eandem apud Cel. Halæum, (qui Camerarii ibi memora- to libello, quem Schelhornius iam excerptum dedit, nondum potitus esse videtur,) iniit gra- tiam, ac apud me, cui excerpta sua benevole inscripta voluit, iniisse illum, p. 1109. fassus sum. Conf. cit. T. X. p. 1195.

*Ad pag. 215. sqq. Codicem MS. eumque au-
tographum REGINONIS de Armonica Institu-
tione, quem Cel. Bünnemannus nunc possidet,
memorat quoque Cel. Seelenius in Memoria
Stade-*

Stadeniana, p. 279. Haud ita pridem etiam Schelhornius meus in Amœn. Lit. T. X. p. 1167. sqq. me docuit, in P. I. p. 95. Catalogi Bibl. Kryfianæ, superiore anno Hagæ Comitum publice distractæ, aliud eius operis rarissimi exemplum commemorari, quod & ipsum pro ἀνολογία, & unico in orbe, venditur. Illud si ita se habeat, statuendum foret, vel Reginonem duos Codices manu sua ipsum exarasse, (quod quidem a fide alienum prorsus haud esset, ipseque ego eiusmodi exemplum de Elia Ehingero in Bibl. Brem. Cl. VIII. p. 514. observavi;) vel Codicem Büne-mannianum in Bibliothecam Kryfianam translatum fuisse.

Ad Fasciculum II.

AD pag. 243. sqq. Quam hic recudendam curavi de morte THOMÆ MORI epistolam, seu expositionem, uti vocatur, fidelem, eam etiam in Fichardiana vitarum collectione annexam esse vitæ Thomæ Mori, per Erasmum concinnatæ, ex literis Schelhornii, d. 6. Febr. 1728. ad me datis, lubens didici, qui & ibidem hoc me docuit, eandem relationem legi quoque in libro A. 1573. Monachii in 8. sub tit. Illustria Ecclesiæ Catholicæ Trophæa &c. edito, ubi quidem eadem res, eodem ordine, sed non semper iisdem verbis referantur.

Cum humanissimus amicus ille meus Fi-
char-

chardianam collectionem rarissimam usibus meis iamdiu permiserit, quod p. 927. grato animo prædicavi, nonnulla adhuc de hac epistola tunc memorabo, quando Fichardi vitas copiosius describam, quem laborem præsens fasciculus, (quam spem loco paullo ante citato facere ausus sum,) sibi vindicasset, nisi paucis post septimanis, quam promisso isthoc me obstrinxeram, gravissimum patriæ meæ incendium circulos meos turbasset. Sit ergo hic locus trito illi proverbio: Quod differtur, non aufertur; cum in Tomi II. Fasciculo I. Deo volente, una cum aliis, Fichardiani voluminis descriptionem certo B. L. expectare nunc denuo iubeam.

Ad pag. 277. sqq. Epistolarum ad Frid. Myconium collectionem Snegassianam Tenzelii Supplemento III. Historiæ Gothanæ, Ienæ 1716. 4. curante D. Ern. Sal. Cypriano, una cum cæteris supplementis edito, esse insertam, nullis tamen observationibus stipatam, aliquis amicorum meorum, doctissimus Geisthirtius d. 6. Sept. 1728. Ilenaco per literas me docuit. Quod ipsum postea confirmatum reperi in utrisque Actis Erud. Lips. Lat. 1716. p. 156. Germ. P. XLI. p. 315. & in Nova Bibl. Hal. P. XLIX. p. 791. Easdem quoque epistolas recudendas curaturus erat M. Iustus Christ. Vthenius, uti ex Relat. Innoc. 1709. p. 399. sqq. perspexi; de quo instituto cum Cl. Geisthirtium per literas certiore fecissem, ille amicorum

corum opera adiutus, in alia epistola d. 1. Maii h. a. mihi perscripsit, b. Vthenium illi suo proposito immortuum esse, eiusque MSta una cum Bibliotheca, ad heredes pervenisse, in quibus & Myconianorum collectio fuisset.

Ad pag. 292. Lutheri ad Eob. Hessum epistolam & alibi nuper recusam esse, dixi p. 873.

Ad pag. 318. Ex epistolis ad Eob. Hessum, non nisi duas inveniri inter eas, quas Draconites edidit, Mosellani nempe, & Ionæ, quam posteriorem tamen Draconites integra periodo, qua in Theologos invehitur Ionas, (in Fasc. II. huius Sylloges p. 325. sqq. questus est -- benemeritus) truncaverit, quemadmodum etiam in Mosellani, barbaros, pro Sophistis posuerit, forte ne crabrones sacros irritaret; Cl. Gesnerus, Rector Gymnasii Rotenb. benemerentissimus, d. 6. Sept. A. 1728. (eodem scil. die, quo & Geisthirtius ad hunc ipsum Fasc. II. illustrandum, nonnulla mihi per literas significavit, quam eius humanitatem p. præc. prædicavi,) eleganti epistola me certiore reddidit, & cum paullo post Rotenb. ad ipsum inviserem, illeque mihi Rotenb. Bibliothecæ publicæ memorabilia humaniter & docte monstraret, producendo quoque Eob. Hessi corpus epistolicum, a Io. Draconite editum, cuius p. 318. memini, de illis, quæ paullo ante ad me perscripserat, fidem mihi præsentis præsens facere non intermilit.

Ad

Ad pag. 368. De Aldo conf. p. 669. Fasc. III. & Schelhorn. Amoen. Lit. T. X. p. 1186. sqq.

Ad pag. 422. sq. Quæ hic de Frid. Blanckenburgio observavi, assensum nacta sunt viri doctissimi, () qui in Bibl. Theol. Colerianæ T. III. p. 369. sqq. Ven. D. Zeltneri vitam Io. Lufftii erudite recensuit, & p. 388. sqq. qualiacunque mea, ad illius vitæ partem priorem, in Fasc. II. p. 369 - 445. exhibita supplementa, grata sibi aliisque esse, humanissime declaravit; ubi & p. 390. de Blanckenburgio egit. Cæterum monere hic debeo, cum ista M. Jul. 1727. scripsissem, me paullo post, d. 13. Nov. e. a. in M. Tob. Eckhardi epistolam, quam Diatribæ Boysenianæ reposuit, (**) incidisse, in qua Lit. C. b. eundem*

Blan-

(*) *Neque enim Rev. Colerum huius recensionis auctorem esse, affirmavit mihi vir quidam celeberrimæ famæ; ad quem ipse Colerus id perscripserat.*

(**) *Quedlinburgi 1723. tribus plagis in 4t. prodiit, qua forma utinam & primum Eckhardi Schediasma (vid. Fasc. II p. 393.) excusum fuisset, quod in 8. editam esse constat; vel Boysenius suam Diss. & Eckhardus epistolam, qua illam Diss. excepit, similiter in octavi ordinis forma imprimendas dedissent, ut hæ tres commentationes, bonæ frugis plenissimæ, simul compingi possent.*

Blanckenburgii locum ex Mayero productum vidi, quod postliminio indicandum esse, putavi.

Ad Fasciculum III.

AD pag. 496. Figreliani libri recensio nunc in Anthologia Coleri, T. I. p. 411. sqq. extat.

Ad pag. 549. Casp. Huberinum Rotenburgii ad Tubarin ecclesiastico munere nunquam defunctum esse, postea ab Andr. Sam. Gesnero, Gymn. illius urbis Rectore clarissimo, accepi, qui & multis de Casp. Huberino notitiis, adhuc mihi ignotis, docte & humaniter me, rogatu meo, impertitus est, quas alio tempore cum L. B. communicabo.

Ad pag. 644. sqq. Schelhornii Amoen. Lit. T. X. p. 1169. sqq. hic conferri merentur.

Ad Fasciculum IV.

AD pag. 733. sqq. In Novis Liter. Lips. Germ. A. 1720. d. 21. Nov. p. 740. sqq. recens. M. Sept. Diarii Gallici Journal des Savans dicti, in cuius Sect. VI. Apiniana Meditatio, quam recusam hic dedi, descripta legitur.

Ad pag. 787. sqq. De Ge. Vogleri epistola conferri debet Ven. D. Io. Guil. de Lith iudicium, quod p. 809 sq. publicavi, idque, quod postea intellexi, pace viri longe meritissimi.

Ad pag. 825. sqq. De utroque Conventu Suob. vid. huius Fasc. p. 876--1049. & NB. M. I. H. S. P. R. vita Georgii March Brandenb. ling. germ. nuper ed. §. §. 20--25.

Tom. I. Fasc. V.

Bbbb

Ad

Ad pag. 902. De Io. Campano conf. p. 1111. sq.

Ad pag. 927. De Fichardi vitis v. p. 1117. sq.

Ad pag. 940. Quam in fine huius paginæ promiseram Appendicem, ob mox insecutam Halæ meæ notissimam calamitatem, ex incendio fatali ortam, & combustum in illo typographeum nostrum, hucusque differre coactus sum. Quam moram, invito me factam, compensaturus, loco Appendicis Fasciculum huncce V. exhibeo, cui & promissa hic de Casp. Ammanno, seu Ammonio, observatio, (ad quam locupletandam multa singularia Ven. & Cel. Wolfius Hamburgo mihi transmisit,) inserta fuisset, nisi indices adiiciendi spatium præcluserant, quam tamen proximus Fasciculus D. v. certissime, una cum aliis (vid. p. 1118.) complectetur. In Cat. Bibl. Mencken. p. 33. ed. 1. memoratur Gandolffi Diss. de 200. cell. August. Script. Vtinam vir quidam doctus de C. Ammonio p. 121. sqq. dispiceret. Act Er. Lips. 1706. p. 325.

Ad Fasciculum V.

AD *pag. 1050. sqq.* Ad hæc, & loca, quæ in fine p. 1060. citavi, dilucidanda, legi etiam possunt Articuli March. Brand. Casimiri de A. 1524. quos ex Spalatiniano idiographo in P. II. p. 631. sqq. Spicilegii Docum. ad Reform. Hist. pertinentium, produxit Cel. Kappius, ad quos & lectorem remittit Ven. D. Fabricius in Centif. Luther. P. II. p. 674. coll. P. I. p. 100.

INDEX

VEIHELLII (*Christiani*) Elegia Latino-
Græca in diem natalem IESV Christi.

III. 669.

WENGERI (*Melch.*) Programma de *secretis*
& fatalibus *Imperatorum* ac *Rerumpubli-*
carum pignoribus.

III. 465.

NOVA LITERARIA, *cum Observationibus*
variis. I. 204. II. 446. III. 680. IV. 870.
V. 1105.

SUPPLEMENTA, *Illustrationes & Emen-*
dationes Tomi I. huius Sylloges IV. 924.
V. 1116.

INDICES 1. *Observationum*, 2. *Auctorum*.
3. *Rerum memorabilium.* V. 1123. *sqq.*

INDEX II.

AUCTORVM,

qui vel citantur, vel laudantur, vel no-
tantur, vel describuntur.

Numeri maiores Fasciculum, minores pagi-
nam indicant.

A.	Abram IV. 777.
GE. Aberbachus II.	Io. Henr. Ackerus I.
322.	146. 148. 169. II.
	290. 303.

Iac,